



Broj: 27/04-04-10893/26
Sarajevo, 25.03.2026. godine

Na osnovu člana 7. Odluke o utvrđivanju postupka imenovanja članova Upravnog odbora Univerziteta u Sarajevu koje imenuje Vlada Kantona, početak i način rada, prava i obaveze, postupak razrješenja i druga pitanja bitna za zakonit rad i efikasno funkcioniranje Upravnog odbora Univerziteta u Sarajevu („Službene novine Kantona Sarajevo“, br. 27/13 i 42/17), a u vezi sa članom 58. Zakona o visokom obrazovanju („Službene novine Kantona Sarajevo“, br. 36/22 i 28/25), Ministarstvo za nauku, visoko obrazovanje i mlade Kantona Sarajevo raspisuje

JAVNI KONKURS
za izbor i imenovanje predsjednika Upravnog odbora
Univerziteta u Sarajevu - ispred Osnivača

Predsjednika Upravnog odbora Univerziteta u Sarajevu imenuje Vlada Kantona Sarajevo nakon provedene konkursne procedure.

Opšti uslovi

Za predsjednika Upravnog odbora Univerziteta u Sarajevu može biti izabran odnosno imenovan kandidat koji ispunjava opšte uslove:

- a) da je državljanin Bosne i Hercegovine;
- b) da je stariji od 18 godina;
- c) da nije otpuštan iz državne službe kao rezultat disciplinske mjere na bilo kojem nivou vlasti u Bosni i Hercegovini u periodu od tri godine od dana objavljivanja Javnog konkursa;
- d) da se na tog kandidata ne odnosi član IX. 1. Ustava Bosne i Hercegovine;
- e) da nije osuđivan za krivično djelo ili za privredni prestup;
- f) da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u organima vlasti u Federaciji Bosne i Hercegovine („Službene novine FBiH“, broj: 70/08).

Posebni uslovi

Pored opštih uslova, kandidat koji se nominira/imenuje predsjednika Upravnog odbora kojeg imenuje Vlada Kantona Sarajevo, treba da ispunjava i sljedeće posebne uslove:

- a) da posjeduje naučni stepen doktora nauka;
- b) da nema privatni finansijski interes na Univerzitetu u Sarajevu pod kojim se podrazumijeva svaka poslovna saradnja između Univerziteta u Sarajevu i kandidata, koja bi predstavljala sukob interesa u smislu Zakona o sukobu interesa u organima vlasti u Federaciji Bosne i Hercegovine („Službene novine FBiH“, broj: 70/08);

- c) da nije u radnom odnosu na Univerzitetu u Sarajevu odnosno na organizacionoj jedinici/članici ili pridruženoj članici Univerziteta ili da se ne nalazi u situaciji ili odnosu koji predstavlja sukob interesa;
- d) da nije u radnom odnosu ili da nije uključen u realizaciju nastavnog procesa ili angažovan po nekom drugom osnovu na visokoškolskoj ustanovi kao ustanovi koja je registrovana u Bosni i Hercegovini, bez obzira na iznos naknade koji se isplaćuje za angažman;
- e) da nije rukovodilac organa uprave koji je nadležan za vršenje nadzora nad zakonitošću rada Univerziteta u Sarajevu.

Nadležnost i mandat

Nadležnosti Upravnog odbora Univerziteta u Sarajevu utvrđene su Zakonom o visokom obrazovanju („Službene novine Kantona Sarajevo“, br. 36/22 i 28/25), Statutom Univerziteta u Sarajevu i drugim aktima Univerziteta u Sarajevu.

Predsjednik Upravnog odbora Univerziteta u Sarajevu imenuje se na mandatni period od četiri (4) godine i ne može biti imenovan više od dva puta uzastopno.

Prijava na Javni konkurs

Uz prijavu na Javni konkurs kandidati su obavezni dostaviti:

1. biografiju;
2. univerzitetsku diplomu;
3. uvjerenje o državljanstvu (ne starije od šest mjeseci od dana objavljivanja Javnog konkursa);
4. rodni list;
5. potpisanu izjavu i ovjerenu od strane nadležne općinske službe ili notara kojom kandidat potvrđuje:
 - a) da nije otpuštan iz državne službe kao rezultat disciplinske mjere na bilo kojem nivou vlasti u Bosni i Hercegovini u periodu od tri godine od dana objavljivanja Javnog konkursa;
 - b) da se na tog kandidata ne odnosi član IX. 1. Ustava Bosne i Hercegovine;
 - c) da nije osuđivan za krivično djelo ili za privredni prestup;
 - d) da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u organima vlasti u Federaciji Bosne i Hercegovine („Službene novine FBiH“, broj: 70/08).
 - e) da nema privatni finansijski interes na Univerzitetu u Sarajevu pod kojim se podrazumijeva svaka poslovna saradnja između Univerziteta u Sarajevu i kandidata, koja bi predstavljala sukob interesa u smislu Zakona o sukobu interesa u organima vlasti u Federaciji Bosne i Hercegovine („Službene novine FBiH“, broj: 70/08);
 - f) da nije u radnom odnosu na Univerzitetu u Sarajevu odnosno na organizacionoj jedinici/članici ili pridruženoj članici Univerziteta ili da se ne nalazi u situaciji ili odnosu koji predstavlja sukob interesa;
 - g) da nije u radnom odnosu ili da nije uključen u realizaciju nastavnog procesa ili angažovan po nekom drugom osnovu na visokoškolskoj ustanovi kao ustanovi koja je registrovana u Bosni i Hercegovini, bez obzira na iznos naknade koji se isplaćuje za angažman;
 - h) da nije rukovodilac organa uprave koji je nadležan za vršenje nadzora nad zakonitošću rada Univerziteta u Sarajevu.

Sve dokumente potrebno je dostaviti u originalu ili ovjerenoj fotokopiji, pri čemu uvjerenje o državljanstvu i druge službene potvrde ne smiju biti starije od šest (6) mjeseci od dana posljednjeg javnog objavljivanja Javnog konkursa.

Postupak izbora i imenovanja obavlja se u skladu sa odredbama Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije Bosne i Hercegovine“, br. 12/03, 34/03 i 65/13).

Napomena

U prijavi na Javni konkurs kandidat je obavezan jasno naznačiti da se prijavljuje na poziciju predsjednika Upravnog odbora Univerziteta u Sarajevu.

Za prijavu na ovaj Javni konkurs nije predviđen poseban prijavni obrazac.

Javni konkurs ostaje otvoren petnaest (15) dana od dana posljednjeg objavljivanja.

Javni konkurs se objavljuje u „Službenim novinama Federacije Bosne i Hercegovine“, u jednom dnevnom listu i na zvaničnoj internet stranici Ministarstva za nauku, visoko obrazovanje i mlade Kantona Sarajevo.

Prijave sa potrebnom dokumentacijom dostavljaju se u zatvorenoj koverti lično ili putem pošte na adresu:

Ministarstvo za nauku, visoko obrazovanje i mlade Kantona Sarajevo, ul. Reisa Džemaludina Čauševića broj 1. 71 000 Sarajevo
sa naznakom:

„Prijava na Javni konkurs za izbor i imenovanje predsjednika i članova Upravnog odbora Univerziteta u Sarajevu - ispred Osnivača. Ne otvaraj – otvara Komsija.“

Nepotpune, neblagovremene i neuredne prijave neće biti uzete u razmatranje.



MINISTARSTVO

Prof. dr. Dušanka Bošković

